

vnd das grimmen im bauch/ bringen den  
Stein zuwege / vertrucken vñ verhindern  
den Harm/ Die sauren Biere aber/ versu-  
chen die Nieren vñ Sennadern/ thun dem  
Nabel leid/ machen auch vnd erregen böse  
feuchtigkeit in des Menschen Leibe.

Ich wil hie dieses orts/ das Bier mit  
dem Weine nicht vergleichen/ Senn der  
Wein ist eine sonderliche Gabe Gottes/  
aus fürtrefflicher gute vnd Barmherzig-  
keit/ dem Menschlichen Geschlecht/ als ei-  
ne besondere Artzney vnd hülffe/ auff die  
vorgehende Sindfluß/ von Gott gege-  
ben / das die Naturen des Menschlichen  
geschlechts dadurch wider gestercket wer-  
den solte/ welche in der Sindfluß geschwe-  
chet war / vnd auff das alter noch weiter  
geschwecht würde werden / Vnd ist kein  
zweiffel daran/ daß das ein guter vnd Edel-  
ler Wein/ besser sey/ denn das aller Edel-  
ste Bier/ Es wechset aber in allen Landen  
nicht Wein/ vnd so je in etlichen Landen/  
der Sonnen weit abgelegen / Wein er-  
wachsen/ so wehre doch vnter denselbigen  
weinen/ eine grosse wahl vnd vngleichheit/  
das einer immer besser/ denn der ander bes-  
funden würde / So sehen wir aber auch  
doch dagegen/ das die Leute/ welche nur  
allein Bier zutrincen/ in vbung vnd ges-  
brauch haben/ alt werden/ vñ one Kranck-  
heit lange leben. Derhalben wollen wir  
einem